



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

XLIX. Papst Clemens V. giebt den Bischöfen von Brandenburg, Merseburg und Hildesheim auf, die wegen des Verfahrens gegen die Tempelherren von dem Halberstädter Bischofe gegen den Erzbischof von ...

Nutzungsbedingungen

[urn:nbn:de:hbz:466:1-55861](https://nbn-resolving.org/urn:nbn:de:hbz:466:1-55861)

melo, fratribus religiosis de Theutonica domo apud sanctam Conigundim prope hallis per resignationem nostrorum vasellorum Hinrici et Lippoldi fratribus (sic!) de almenhusen perpetuo possidendam. Vt hec premissa rata permaneant et inconuulsa, Sigillum nostrum presentibus duximus apponendum. Huius rei testes sunt plebanus dominus Nicolaus in Friburch, Henricus de Salczinghen et alii quam plures fide digni. Datum in Sangerhuffen, anno domini M^o CCC^o VIII, III Kal. Septembris.

Aus dem, mit dem Copiarium des Klosters Stutterlingenburg zusammengebundenen, früher in Berlin aufbewahrten Copiarium des Klosters Neuwerk bei Halle (No. 60) f. 43 im Königl. Prov.-Archiv zu Magdeburg.

XLIX. Pappst Clemens V. giebt den Bischöfen von Brandenburg, Merseburg und Hildesheim auf, die wegen des Verfahrens gegen die Tempelherren von dem Halberstädter Bischofe gegen den Erzbischof von Magdeburg ausgesprochene Excommunication rückgängig zu machen, am 4. December 1310.

Clemens Episcopus, Seruus Seruorum dei, venerabilibus fratribus Brandenburgensi, merseburgensi et hildesimensi Episcopis Salutem et apostolicam benedictionem. Licet cunctis fidelibus tanquam vniuersalis pastor eorum teneamur quietis commoda procurare, tamen vt prelati Ecclesiarum pacis vbertate letentur, subductis quorumlibet molestiis grauaminum ab eisdem, eo libencius ministerium impendimus apostolice seruitutis, quo ipsis in quietis tranquillitate sedentibus facultas adest prestancior, animas lucrifacere saluatori. Significauit liquidem nobis venerabilis frater noster Burchardus, archiepiscopus magdeburgensis, quod nos sibi dudum apud Sedem apostolicam constituto tam viue vocis oraculo, quam per nostras sub certa forma litteras dedimus in mandatis, vt omnes Templarios diocesis et domini suorum et alios, qui reperirentur in eis ipforumque bona mobilia et Immobilia per ydoneas personas omni precipue quo ad bona ipsa suspitione carentes meliori modo, quo fieri posset, capi faceret vno die, personas quoque ipforum, quousque aliud scriberemus, eidem nostro et Sedis apostolice nomine in locis tutis sub fide custodia detineri, dictaque bona mobilia et Immobilia aliquibus bonis personis, de quibus non esset verisimile, quod in hiis vel similibus aliquam fraudem committere vellent, nostro nomine fideliter conferuanda, donec per nos in hac parte esset aliter ordinatum, faceret commendari, demum vero dictus archiepiscopus mandatis nostris obediens reuerenter fratrem Fridericum, magistrum Templariorum ipforum in alania et quosdam alios ipsius ordinis Templariorum fratres, in curiis siue domibus Wichmannistorp ac Rolstede et Jerdingesdorp halberstadenensis diocesis infra dominium Ecclesie magdeburgensis consistentibus capi fecit iuxta mandatum nostrum huiusmodi vno die ipsosque in loco tuto sub fida custodia detineri et bona ipforum mobilia in Curiis predictis inuenta et curias ipsas personis ydoneis, prout potuit, commisit nostro nomine conferuanda fideliter, donec per nos de ipsis foret aliter ordinatum, propter que prefatus archiepiscopus ab aliis Templariis de Regno alanie supradicto ipforumque consanguineis et amicis in personis et rebus grauia dampna sustinuit et propter hoc multiplicia subiit onera expensarum. Cumque postmodum nos venerabilibus

fratribus nostris maguntinensi, Colonensi, Treurenfi et eidem magdeburgenfi archiepiscopis curam, gubernationem, administrationem et regimen omnium et singulorum prioratum, hospitalium, domorum, Grangiarum et locorum ordinis supradicti, que ad manus eorum aut alterius seu aliorum deputandi vel deputandorum ab ipsis quouis modo peruenire contingeret et illorum eciam, que per violenciam vel alias maliciose detinerentur ab aliis, quorum eisdem archiepiscopis vel deputando seu deputandis ab eis, vt predicatur, restitucio negaretur conscribi fideliter ac particulariter et distincte cum diligencia debita et per Instrumenta publica vel sub sigillis autenticis inuentaria fieri procurarent, illa Camere nostre, similibus penes se retentis, quam cicius possent comode transmissuri. Idem archiepiscopus maguntinensis receptis nostris litteris supradictis, quamuis ex forma litterarum ipsarum ei non competeret, verum personarum et ordinis predictorum custodiam in spiritualibus et temporalibus eisdem collegis suis minime requisitis Immo ipsarum litterarum Copia eisdem Treurenfi et magdeburgenfi archiepiscopis nequaquam exhibita suis commisit Suffraganeis pro sue libito voluntatis et subsequenter venerabilis frater noster halberstadenfis Episcopus, Suffraganeus dicti archiepiscopi maguntinensis eidem magdeburgenfi archiepiscopo et illis, quibus per ipsum archiepiscopum magdeburgensem bona mobilia in Curiis inuenta predictis ipseque Curie nomine nostro fuerant commendata, per litteras suas dicte commissionis virtute mandauit, vt infra certum terminum in eisdem suis litteris annotatum sibi custodienda et conseruanda per ipsum restituere procurarent, in eisdem archiepiscopum magdeburgensem et alios supradictos, si huiusmodi suis non parerent in hac parte mandatis, de facto excommunicationis sententia promulgata ac locis, in quibus bona consistebant predicta, subiectis Ecclesiastico interdicto Et licet pro parte dicti archiepiscopi magdeburgensis fuisset a mandatis et sentenciis supradictis quamuis nulla fuerint, ipso iure ad Sedem apostolicam infra Triduum ex causis legitimis appellatum; Idem tamen halberstadenfis Episcopus huiusmodi appellatione contempta dictum archiepiscopum magdeburgensem per diocesim halberstadensem excommunicatum publice nuntiavit. Cum Itaque nostre intentionis non fuerit, per commissionem huiusmodi dictis maguntinensi, Colonensi, Treurenfi et magdeburgenfi archiepiscopis, vt predicatur, factam, commissionem factam per nos specialiter tam verbo, quam litteris, vt premititur, dicto magdeburgenfi archiepiscopo reuocare, predictas sentencias per eundem Episcopum halberstadensem contra ipsum magdeburgensem archiepiscopum et alios supradictos premissorum occasione prolatas et quicquid ex eis secutum est, inania et Irrita apostolica auctoritate decreuimus ac nullam habere roboris firmitatem. Quacirca fraternitati vestre per apostolica scripta mandamus, quatinus vos et vestrum quilibet communiter vel diuisim per vos vel alios predictas sentencias per dictum Episcopum halberstadensem contra eundem archiepiscopum magdeburgensem et predictos alios occasione huiusmodi promulgatas et quicquid ex eis secutum est, per omnia loca, in quibus expedire videretis, denunciatis auctoritate nostra inania et Irrita et nullius existere firmitatis et faciatis, tam ab eodem Episcopo halberstadenfi, quam ab aliis nunciari, Inhibentes districtius prefato Episcopo et quibuslibet aliis, ne huiusmodi commissionis pretextu vel quacunque occasione alia premissorum contra prefatum archiepiscopum magdeburgensem et alios prelibatos presumant procedere quoquomodo Non obstantibus si prefato Episcopo vel quibuscunque aliis a prefata sede indultum existat, quod excommunicari, suspendi vel interdicti non possint per litteras apostolicas non facientes plenam et expressam ac de verbo ad verbum de indulto huiusmodi mentionem, Contradictores auctoritate nostra appellatione postposita compescendo. Datum auinion, II Nonas Decembris, pontificatus nostri anno Sexto.

Aus einem Copiarium miscellaneum (No. 31) No. 30g im Königl. Prov.-Archiv zu Magdeburg.